

方技

庖丁解牛技進於道丈人承蜩志凝於神至醫卜星相諸藝雖云小技然端家之能徃徃與立德立言同稱不朽較沒世無名者異矣志方技

晉公師或本縣人與屯留崔懿之皆善相及見劉元海驚相謂曰此人形貌非常吾所未見也於是深相崇敬推分結恩後元海借號果如所言

宋張德明字顯道本縣道者性不喜華麗常施醫藥於人而尤急於貧者太原提刑种師道亦來求醫遂診授藥即獲痊愈种公悅遂以朝廷所降妙應太師勅旨易而與之用酬其勞

襄陵縣志 卷之二十二 方技

元朱好古在城人善畫山水人物與同邑張茂卿暢雲瑞俱以畫各家人皆寶藏之

明翟師程趙曲鎮人為邑庠生性情孤峻心思工巧善書寫不效前人之筆而自為一家更精畫龍虎山水人物亦不由尋常蹊徑

朝喬汝翼字敬五號簡襄通城人以詩名重江淮間與顧修遠金孝章等同選唐詩有吳門唱和集

高之植字柱廷義士永子書法剛勁

李根暢字涵初西梁人工山水頗有宋元人筆意

王 屨字蓋臣陶寺人好神仙術遇異人授青鳥家言魏文清公大奇之受知於秋部王阮亭先生一時名重都下 王侯爭為前席 莊親王以山水引年賜之名公巨卿贈詩文蒲篋詳見相國陳午亭集

郭毓湖字夏珍通城人武庠生有孝俠風工宋元山水